

■ OR DA LA VITA DA LUDMILLA CAHENZLI

Tge trair en per ir a Tavau?


«Tge! I va mo anc in'emna fin il grond congress!» Jau, Ludmilla Cahenzli, sun schoccada. Jau sun numnadamain schurnalista. Fin ussa n'hai jau anc mai raquintà quai en mias columnas. Ma igl è uschia. Ed jau hai per l'emprima giada dad ir a Tavau. En sasez sai jau quai giadaditg. E giadaditg pens jau: «Quai va anc ditg.» Ma ussa ruchegi ed jau sent tuttenina la gnervusadad. Vul dir, jau fatsch bunamain en las chautschas. Tut questa glied renumada! Malgrà ch'jau n'inscuntr gnanca ina suletta persuna renumada, sun jau total ord la suna.

Tge fa ina buna schurnalista en ina tal situaziun? Ella cumenza a sa preparar.

vegn la lavur ad ir sco da sez. Mia detta vegn a sautar cun levezza sin la tastatura, sco diesch pitschnas ballarinas sin tribuna.

Sulet il pretsch dal deux-pièces è in zic problematic. «Tgi sa, sch'jau savess metter quai sin las spesas?» Ma jau crai ch'i crudass si, sche mias spesas fissan tuttenina 1800 francs pli autas che uschiglio.

Ina stizun plinenvi e trais categorias da pretsch plinengiu: jau chat chautschas – pli baud avess ins ditg knickerbockers – che giessan flot cun mes stivals da l'onn passà e cun mia giacca naira. Ma era quellas custan 187 francs. Damai che mes conto è puspè ina giada en il minus, renunziel jau.



Studegiar las tractandas, rimnar material, guardar en l'internet, telefonar en turn.

In'otra pussaivladad da far insatge cunter la gnervusadad fiss da far giu in termin cun la terapeuta e da visualisar ensem cun ella l'entira situaziun. Quai fiss fitg prudent.

Ma jau, Ludmilla Cahenzli, vom en chombra da durmir, avr stgaffas e truclets e tir nanavant mia vestgadira. Lain guardar! Jau fatsch in'exposiziun cun mias chautschas, rassas e blusas – in summa cun tut la vestgadira che vegn en dumonda per Tavau. Lura vom jau per mes chalzers e mes stivalets, per giaccas e mantels. Suentar diesch minutas vesa mia chombra ora sco ina butia da vestgadira.

Il maraton cumenza. Jau tir en tuttas cumbinaziuns pussaivlas. Suentar duas uras hai jau empruvà tut. La situaziun è clera. Jau n'hai nagut da trair en.

Il problem èn las chautschas. Per il solit port jau jeans. Jeans èn sco mia segund pel. Na, ellas èn anc pli impurtantas. Ellas èn forsa sco mia ossa, sco mes skelet. Jau hai il sentiment ch'jau na possia gnanca star sidretg senza jeans. Ma cun mias jeans isadas na dastg jau betg ir al congress. Nunpussai vel. Quels na ma laschan betg entrar. Ergo, jau dovr nova vestgadira.

Jau ses en mes auto, charresch sper mes biro ora e vom en mia butia preferida. Là chat jau immediat il deux-pièces cun chautscha ideal per quest intent. El sesa perfetg. Igl è in Boss per dunnas, sco fatg per questa occasiun. En quest deux-pièces

En la stizun la pli bunmartgada chat jau duas rassas. Taila fina, in stil in zic festiv, scrittas giu. Ina per 49.80 francs e l'otra per 39.95. Ellas n'èn betg gist tenor mes gust, ma ellas van. Jau na fatsch betg lungas e paj.

Da charrar vers chasa quint jau ora quants raps ch'jau hai spargnà cun las duas rassas cumpareglià cun il Boss per dunnas. Jau hai spargnà 1710 francs.

Sper via è ina vitrina cun ina blusa alva. Quella giess tiptop cun ina da mias novas rassas, pens jau. Ussa ch'jau hai spargnà tants daners, pudess jau bain anc cumprar ina blusa.

Jau parchesch, entr en stizun e chat svelto la blusa en la dretga grondezza. Enten ir tar la cabina croda mia egliada sin ina jeans. Ina fitg nobla. E fitg bella. Jau la prendenta maun. E sun persa. Gnanca il pretsch ma po spenderar.

Diesch minutas pli tard bandun jau la stizun cun in grond satg. El cuntegna la jeans nobla che fa dal reminent in bellezza tapun e la blusa alva che va perfetg tar la chautscha. (Da la situaziun sin mes conto na discurrinsa ussa betg.)

Mia gnervusadad è scuada davent. Jau ma legr dad ir a Tavau. En l'auto dun jau gas e sai ussa tge che jeans muntan per mai. Ellas n'èn betg mia pel ed era betg mia ossa u mes skelet. Igl è blier meglier. Jeans che sesan bain èn sco in bun cuirass. Ellas protegian e fan ch'jau ma sent segira. Cun in bun cuirass pon ins ir en mintga battaglia. Cun bunas jeans a mintg congress.